



## 24-25 DENBORALDIRAKO GAZTE ABONOA ESKURATZEKO OINARRI OROKORRAK

**Izena emateko epea:** ekainaren 3ko (astelehena) 12:00etatik, 2024ko ekainaren 13ko (osteguna) 18:00ak arte, Klubak bere kanal ofizialetatik zabalduko duen estekaren bitartez.

**Inskripzio-arauak:** banaka edo gehienez ere 4 pertsonako taldeak.

**Zozketa:** 2024ko ekainaren 14a, ostirala, (izena emandakoek plaza eskuragarrien kopurua gainditzen badute).

**Lehentasun-irizpidea:** Lehentasuna izango dute esleipenean (edo zozketan, hala badagokio) [Club Athletic](#)eko kide diren edo inskripzio-epea amaitu baino lehen izena ematen duten gazteek, eta Club Athleticeko kide izaten jarraitu beharko dute kontratatu beharreko Gazte Abonoaren indarraldian. Ondorioz, Club Athleticeko kide izateari uzteak lehentasuna galtzea ekarriko du automatikoki eta Gazte Abonoaren epealdi barruan ematen bada, Gazte Abonoa galtzea ere ekarriko du automatikoki, Club Athleticeko kide izateari utzi den egunetik aurrera.

**Adina:** 14 eta 26 urte bitartean (1998ko maiatzaren 25etik 2010eko abuztuaren 16ra bitartean jaiotakoak, biak barne).

**Prezioa:** 395 €

**Kokapena:** Ipar Beheko Harmaila (Herri harmaila)

**Plaza-kopurua:** 2.237

### Abonuan sartzen diren partidak:

- Gizonezkoen lehen taldea: LaLiga EA Sports 24-25eko etxeko partida guztiak.
- Emakumezkoen lehen taldea: Liga F-ko eta Kopako etxeko partida guztiak, Lezaman zein San Mamesen\*.
- Bilbao Athletic: Ligako (Lehen Federazioa) etxeko partida guztiak, Lezaman\*.

\* Erabilgarritasuna agortu arte, txartela 0 €-ko prezioa duen sarrera bategatik trukutzen da.

### Abonuak sartzen ez diren partidak:

Gizonezkoen lehen taldeak San Mamesen jokatzeko gainerako lehiaketetarako, Klubak salgai jarriko ditu Gazte Abonoaren 2.237 plazak. Sarrera horiek erosi ahal izango dituzte honako kolektibo hauek, faseka, eskuragarritasunaren arabera eta lehentasun-ordena honi jarraituz:

1. Club Athleticeko kide diren Gazte Abonoak



2. Club Athleticeko kide ez diren Gazte Abonoak
3. Club Athleticeko kideak

Gazte Abonoentzat sarreren prezioa 25 €-koa izango da.

### **Abonuaren baldintzak:**

Ligako partiden %80ra baino gutxiagora bertaratzeak hurrengo denboraldiko abonua eskuratzeko eskubidea galtzea ekarriko du.

Ezin izango dute Gazte Abonua kontratatu 23-24 denboraldian Gazte Abonua izan eta Ligako partiden %80ra baino gutxiagora bertaratu diren pertsonak, ezta betetzeko aldi zehapen-espediterik dutenek, ezta bazkide edo abonatu gisa kanporatuak izan direnek ere.

Abonuan sartutako partidaren batera bertaraterik ez badago, Gazte Abonoak bere eserlekua utzi ahal izango dio Klubari app ofizialaren bidez.

### **San Mameserako sarrera:**

Gazte Abonua lortzen dutenek txartel digitala izango dute Athletic Cluben app ofizialaren bitartez (pertsonalak eta besterenezinak dira, ezin izango dira abonua app ofizialaren bidez hirugarren bati utzi).

Athletic Clubek abonatu bakoitzari Gazte Abonoaren zenbakia eta PIN kodea emango dizkio txartel digitala aktibatu eta San Mamesera sartu ahal izan daitezen.

### **Erosketarako baldintzak:**

Gazte Abonua eskuratu nahi dutenek Athletic Clubi bere izen-abizenak, NAN zenbakia, jaioteguna, telefonoa eta helbide elektronikoa eman beharko dizkiote.

Pertsona bakoitzeko inskripzio bakarra onartuko da. Bat baino gehiago egonez gero, lehenengoa nagusituko da, baten bat talde batekoa den edo ez kontuan hartu gabe.

Gazte Abonua pertsonala eta besterenezina da, eta titularra da erabilera egokiaren arduraduna. Erabiltzaileek onartzen dute une bakoitzean indarrean dauden egiaztapen-kontrolak eta Klubari emandako datuen kontrolak egitea.

Hirugarren batek sarbide-dokumentua erabiltzeak esan nahi du debekatuta dagoela haren esparrura sartzea edo esparrutik kanporatzea, baita haren titularrari dagokionez ere, klubaren diziplina-araubidea aplikatzeak izan ditzakeen beste diziplina-ondorio batzuk. Ondorio berberak izango ditu Klubari Gazte Abonua izateko datu okerrak ematen dizkionak.

Gazte Abonua Athletic Clubeko abonatuari aplikatu beharreko araubidea arautzen duen eta Athletic Clubeko kirol esparruetan sartzeko eta egoteko arau orokorrak ezartzen dituen Abonatuaren eta Kirol Esparruetan Sartzeko eta Egoteko Erregelamenduaren menpe egongo da.



Eskuratzailleak konpromisoa hartzen du kiroleko indarkeria, arrazakeria, xenofobia eta intolerantziaren aurkako uztailaren 11ko 19/2007 Legearen 6. eta 7. artikuluetan ezarritako sarbide- eta egonaldi-baldintzak betetzeko, eta aipatutako legearen 2.1 eta 2.2 artikuluetan aurreikusitako ekintzarik edo jokabiderik ez egiteko konpromisoa, bai eta kirol-esparruaren barne-araubideko arauak errespetatzekoa ere.

Animazio-harmailetan erakusten diren animazio-materialak, dagozkien lege-baldintzak betetzeaz gain, Klubak onartu beharko ditu aldez aurretik. Elkarre, talde edo zale-talde bat aipatzen edo identifikatzen dutenean, talde hori Klubeko Jarraitzaileen Jardueren Erregistro Liburuan behar bezala inskribatuta egon beharko da, eta haren erabileraren arduradun bat egon behar da.

Eskuratzailleak taldeari etengabeko babesa iraunkorra emateko konpromisoa hartzen du, betiere aurkariaren taldearekiko eta zaleekiko errespetu osoz, eta kirol-jokabide eredugarriarekin, erasoko ekintzarik edo kanturik egin gabe.

Eskuratzailleak berariaz hitz ematen du Klubeko segurtasun-langileek edo -zerbitzuek une bakoitzean adierazitako jarraibideak beteko dituela.

Eskuratzailleak berariaz onartzen du arau hauek ez betetzeak dagozkion zehapen-neurriak aplikatzea ekar dezakeela, besteak beste, Gazte Abonoa izaera galtzea eta etorkizunean berriro eskuratzeko edo Klubean bazkide gisa sartzeko gaitasungabetzea.

### **San Mamesera sartzeko baldintzak:**

1. Debekatuta dago:

a) Edozein motatako armak edo horien ondorio berak eragin ahal dituzten gauzakiak sartzea, eramatea edo erabiltzea, baita bengalak, petardoak, lehergaiak eta, oro har, produktu sukoiak, ke-eragileak nahiz korrosiboak ere.

b) Indarkeriara bultzatzen duten mezudun pankartak, banderak, ikurrak edo beste seinale batzuk sartzea, erakustea nahiz prestatzea, edo baita ere haiek pertsona eta pertsona-talderen bat bere arraza-nahiz etnia-jatorriagatik, erlijioagatik zein iritziengatik edo bere desgaitasunagatik, adinagatik edo sexu-joeragatik mehatxaturik, iraindurik edo laidoztaturik sentiarazten dutenean.

c) 2. artikulua lehenengo eta bigarren ataletan indarkeriazkotzat, arrazistatzat, xenofobotzat edo intolerantetzat jotzen diren jokabideak izatea.

d) Kirol-esparrura edari alkoholduen, droga toxikoen, estupefazianteen edo sustantzia psikotropikoen eraginpean sartzea.

e) Kirol-esparrura sartzea horrexetarako balioko txartelik gabe.

f) Arautegian xedatzen den beste edozein portaera, beti ere horrek portaera



indarkeriazkoak, arrazistak, xenofoboak edo intoleranteak sustatzen lagundu badezake.

2. Kirol-lehiaketa eta -ikusketarako ikusleek eta bertaratuek aurreko paragrafoan aipatutako baldintzak egiaztatzeko beharrezko kontrolak egin beharko dituzte, eta, bereziki, honako hauek:

a) Telebista-zirkuitu itxiz grabatuak izateko bai kirol-esparruaren inguruan, bai haren sarbideetan eta bai barruan.

b) Aurreko ataleko a) eta b) puntuetan jasotako betebeharrak egiaztatzearen egiten diren miaketa pertsonalak onartzea.

3. Sartzea eragotziko zaio aurreko atalean adierazitako portaeretakoa bat duen edozein pertsonari, bere jarrera oneratzeko ez duen artean edo kanporatua izateko arrazoiren batean sartuta badago. Athletic Clubek sarrera eskubidea gordetzen du eta, aurrekoaren arabera, ikusleei kirol-esparrura sartzea galarazi ahal izango zaie edari alkoholikoen, armak, halakotzat erabil daitezkeen objektuak, bengalak edo antzekoak sartzeagatik, edo edari alkoholikoen, droga toxikoen, estupefazianteen edo substantzia psikotropikoen eraginpean egoteagatik. Zehazki, lehen aipatutako 203/2010 Errege Dekretuaren 20.2 artikuluan ezarritakoaren arabera, jasota geratzen da kirol-esparrua bertaratuen eta parte-hartzaileen segurtasunerako zaindutako bideo-eremua dela, eta galarazi egiten dela kirol-esparrura sartzea edo bertan egotea, honako arrazoi hauengatik, gutxienez:

a) Liskar, istilu, borroka nahiz desordena publikoetan parte hartzea.

b) Honako hauek sartzea, eramatea edo erabiltzea: armak, edozein motatakoak, nahiz haien ondorio berak eragin ahal dituzten gauzakiak, hala nola, ziztatzaileak, edo ebakitzzaileak jaurtigai gisa erabili ahal direnak, hala nola, ontzi zurrunetan sartutako janariak, edari botilaratuak edo ontzietan daudela.

c) Bengalak, petardoak, lehergaiak edo, oro har, produktu sukoiak, ke-eragileak edo korrosiboak eta gailu piroteknikoak sartzea edo edukitzea.

d) Edari alkoholikoen, estupefazianteen, psikotropikoen estimulatzaileen edo antzeko sustantzien eraginpean egotea.

e) Edozein motatako edari alkoholikoen sartzea edo saltzea, baita substantzia estupefazianteak, psikotropikoak edo antzekoak.

f) Indarkeriara edo terrorismora bultzatzen duten mezudun pankartak, banderak, ikurrak edo beste seinale batzuk sartzea, erakustea nahiz prestatzea, baita aipatu mezuak direla-eta, pertsona eta pertsona-talderen bat bere arraza- nahiz etnia- jatorriagatik, erlijioagatik zein irizienagatik, bere desgaitasunagatik, adinagatik, sexuagatik edo sexu-joeragatik mehatxaturik, iraindurik edo laidoztaturik sentiarazten dituztenak.



g) Indarkeriara edo terrorismora bultzatzen duten abestiak, adierazpenak nahiz soinuak egitea edo haietarako jarrerak izatea, edo pertsona nahiz pertsona-talderen bat bere arraza zein etniagatik, desgaitasunagatik, erlijioagatik, iritziengatik, sexuagatik edo sexu-joeragatik, laidoztatu asmo dutenak.

h) Jokalekuan sartzea.

i) Edozein kirol-esparrutara sartzeko debekuarekin zehatua izana, zehapena bera iraungitzen ez den bitartean.

Eta ildo berean, kirol-esparruan egoteko baldintzak, lehen aipatutako 19/2007 Legean ezarritakoak izango dira, eta bereziki:

7. artikulua. Kirol-esparruan egoteko baldintzak.

1. Ikusleak kirol-esparruan, kirol ospakizunetan egon ahal izateko baldintzak dira indarkeriazko ekintzak ez egitea, ez arrazistak, ez xenofoboak, ez intoleranteak, ez haietara bultzatzen dutenak, Lege honetako lehenengo eta bigarren ataletan definitutakoaren arabera; bereziki:

Kirol-esparruan egon behar dute ikusleek, kirol-ospakizunetan, indarkeriazko, arrazismozko, xenofobo edo intoleranteak ez egitea, edo halakoak egitera bultzatzen dituzten ekintzak ez egitea, lege honen 2. artikulua lehenengo eta bigarren paragrafoetan zehaztutakoaren arabera; bereziki:

a) Inor ez jotzea, ez ordena publikoa asaldatzea.

b) Ez egitea abesti, soinu edo kontsigna arrazistak edo xenofoboak, ez intolerantziakoak, ez indarkeriara edo terrorismora bultzatzen dutenak, ez Konstituzioaren beste edozein urraketa dakartenak.

c) Indarkeriara edo terrorismora bultzatzen duten pankartak, banderak, ikurrak edo beste seinale batzuk ez erakustea, ezta ere mezu arrazista, xenofobo edo intoleranteak dituztenak.

d) Inolako objeturik ez botatzea.

e) Jokalekuan baimenik gabe ez sartzea.

f) Kirol-ikuskitunak egiten edo garatzen ari diren instalazioetan edo esparruetan ez izatea, aktibatzea edo jaurtitzea ondorio berberak eragin ditzaketen armak edo objektuak, ez eta bengalak, petardoak, lehegailuak edo, oro har, produktu sukoiak, ke-eragileak edo korrosiboak ere.

g) Behar bezala aurreikusitako segurtasun-baldintzak eta erregelamendu bidez zehazten direnak betetzea.



2. Era berean, hurrengo hauek dira, ikusleak kirol-esparruan egon ahal izateko baldintzak:
  - a) Ez hartzea alkoholdun edaririk, droga toxikorik, estupefazienterik, ez sustantzia psikotropikorik.
  - b) Norberak kirol-esparruan sartzeko duen txartelari dagozkion eserleku mota eta lekua hartzea, baita ere txartel hori erakustea segurtasun-kidego eta -indarrek eta antolatzailearen edozein langilek edo laguntzailek eskatutakoan.
  - c) Kirol-esparruko erregelamenduak eta/edo barne-araubidea betetzea.
3. Aurreko paragrafoetan deskribatutako betebeharrak betetzen ez badira, segurtasun-indarren aldetik berehala kanporatuko dira kirol-esparrutik, hargatik eragotzi gabe gerora ezar daitezkeen zehapenak ezartzea.
4. Kirol-lehiaketa eta -ikuslizunetako ikusleek eta bertaratuek kirol-esparrua modu baketsuan utzi beharko dute, eta inguruak utzi, segurtasun-arrazoiengatik edo lehenengo paragrafoan aipatutako iraupen-baldintzak ez betetzeagatik hala eskatzen zaienean.

Estadiotik alde eginez gero, ezin izango da estadiora itzuli, nahiz eta sarrera berriro erakutsi.

Klubak partidaren irudi eta jabetza intelektualeko eskubide guztiak beretzat gordetzen ditu. Estadiora bertaratzen diren pertsonen publikoaren parte gisa grabatuak izateko baimena ematen dute, euren irudia doan eta ondorio guztietarako Athletic Cluben esku utziz.

Gutziz debekatuta dago partidaren argazkiak ateratzea, filmatzea edo grabatzea Klubaren berriazko baimenik gabe, eta laserrekin edo antzekoekin sartzea, baita animaliak sartzea ere, Klubak baimendutakoak izan ezik (gida-txakurrak).

## **Kirol Esparruetan Sartzeko eta Egoteko eta Abonatuen Erregelamendua aplikatzeko klausulak**

### **1. KONTRATU-ARAUBIDEA**

- 1.- Abonatuen eta Athletic Cluben arteko lotura kontratu-izaerakoa da.
- 2.- Abonatu izaera eskuratzeak oinarri hauek erabat eta inolako erreserbarik gabe onartzea adierazten du.

### **2. ABONATUAREN IZAERA GALTZEA**

Abonatu izaera galdu egiten da:

- a) Norberaren borondatez, betiere baja Klubari idatziz jakinarazten bazaio. Jakinarazpen hori bitarteko elektronikoen bidez ere egin ahal izango da, Programaren Oinarrietan aldeztutako aurretik ordaindutako zenbatekoei dagokienez ezarritako ondorioekin.



- b) Aplikagarri den Programaren oinarrien arabera abonatu-kontratuaren iraupena amaitzen denean.
- c) Abonatu-kontratua suntsiarazten denean, 3. artikuluan xedatutakoaren arabera.
- d) Abonatutako pertsonaren heriotzagatik, egoera pertsonala eta besterenezina bada.
- e) Oinarri hauetan berariaz aurreikusitako beste edozein arrazoiengatik.

### 3. ABONATU-KONTRATUA SUNTSIARAZTEA

1.- Oinarri hauetan ezarritako betebeharrak ez betetzeak eskubidea emango dio bere betebeharrak bete dituen alderdiari betebeharra betetzea eskatzeko edo abonatu-kontratua suntsiaraztea sustatzeko, Kode Zibilaren 1124. artikuluan xedatutakoaren arabera.

2.- Funtsean, Athletic Clubek berariazko ahalmena izango du Abonatuarekin abonatu-kontratua suntsiarazteko, besteak beste, honako kasu zehatz hauetan:

- a) Abonatu batek Klubaren instalazioetara sartzeko eta/edo bertan egoteko edozein baldintza ez betetzea, onartzen den kirol-instalazioen barne-araubidea barne.
- b) Txartel digitala edo sarbide-dokumentua hirugarren batek erabiltzeko lagatzea, baimenduta ez dagoenean.
- c) Administrazio- edo zigor-ebazpen bidez zehatzea, edozein kirol-esparrutara sartzea debekatuz, jokabide bortitz, arrazista, xenofobo eta intoleranteengatik.
- d) Klubari datu okerrak ematea abonatu izateko.

3.- Abonatu-kontratua Abonatuari egotz dakizkiokeen arrazoiengatik suntsiarazten bada, Abonatuak berak automatikoki galduko ditu oinarri hauetan ezarritako eskubideak, eta Athletic Club-i ordaindutako prezioa ezin izango da itzuli, abonuaaren epea amaitu barik egon arren.

4.- Nolanahi ere, abonatu-kontratua suntsiaraztea bateragarria izango da Klubari edo hirugarrenei Abonatuak bere ekintzekin eragindako kalteak itzultzeko edo kalte-ordainak emateko eskakizunarekin.